

清明节写景诗

1.
浪说兰亭禊事修，年年春好锦堤游。花翻舞袖惊歌板，柳隔高城暗酒楼。
。绿树恐应春事老，金鞭重为使君留。竹西路晚归时醉，何处珠帘半上钩。
——王恽《清明日锦堤行乐》

2.
君与田苏即旧游，我于交分亦绸缪。二年隔绝黄泉下，尽日悲凉曲水头。
。鸥鸟似能齐物理，杏花疑欲伴人愁。寡妻稚子应寒食，遥望江陵一泪流。
——罗隐《清明日曲江怀友》

3.
朝作轻寒暮作阴，愁中不觉已春深。落花有泪因风雨，啼鸟无情自古今。
。故国江山徒梦寐，中华人物又销沉。龙蛇四海归无所，寒食年年怆客心。
——屈大均《壬戌清明作》

4.
锦浦，春女。绣衣金缕，雾薄云轻。花深柳暗，时节正是清明，雨初晴。
。玉鞭魂断烟霞路，莺莺语，一望巫山雨。香尘隐映，遥见翠槛红楼，黛眉愁。
——韦庄《河传》

5.
和风薄霭过清明，减尽重裘觉体轻。正午轩窗无树影，乍晴阡陌有莺声。
。酿成西蜀鹅雏酒，煮就东坡玉糝羹。扪腹翛然出门去，春郊何处不堪行？
——陆游《晚春感事》

6.
几宿青山逐陆郎，清明时节好烟光。归穿绿苧船头滑，醉踏残花屐齿香。
。风急岭云飘迥野，雨馀田水落方塘。不堪吟罢东回首，满耳蛙声正夕

阳。——释朋来《清明游玉堂庄》

7.
清溪一道穿桃李，演漾绿蒲涵白芷。溪上人家凡几家，落花半落东流水。
蹴鞠屡过飞鸟上，秋千竞出垂杨里。少年分日作遨游，不用清明兼上巳。
——王维《寒食城东即事》

8.
佳节清明桃李笑，野田荒冢只生愁。雷惊天地龙蛇蛰，雨足郊原草木柔。
人乞祭余骄妾妇，士甘焚死不公侯。贤愚千载知谁是，满眼蓬蒿共一丘。
——黄庭坚《清明》

9.
漫浪同为逆旅人，倏然离合入思频。清明上巳多愁雨，芍药荼醾各殿春。
不改交情山翠旧，渐添老色鬓华新。近来世念寒烟薄，已办青蓑理钓纶。
——吴锡畴《临川忆旧》

10.
世味年来薄似纱，谁令骑马客京华？小楼一夜听春雨，深巷明朝卖杏花。
矮纸斜行闲作草，晴窗细乳戏分茶。素衣莫起风尘叹，犹及清明可到家。
——陆游《临安春雨初霁》

11.
海棠亭午沾疏雨。便一饷、胭脂尽吐。老去惜花心，相对花无语。羽书
万里飞来处。报扫荡、狐兔兔舞。濯锦古江头，飞景还如许。——吴潜
《海棠春·已未清明对海棠有赋》

12.
花柳千家郭外村，老夫官屋近荒园。晴林渺渺浮云气，细草油油叠浪痕。
川上画船争载酒，烟中长笛自销魂。暮年况复追游倦，落日泥墙独闭门。
——袁凯《清明独坐》

13.
海棠开后雨冥绵，寒食清明又一年。胜赏挨排三月朔，嫩晴将息百花天

。水光山色供图障，燕语莺声助管弦。我自吟边闲拄颊，笑人陌上拾花钿。——白玉蟾《绣香亭招饮》

14.

挟弹飞觥迹已陈，赏心事去负芳辰。数经风雨花尤厄，试说关山柳亦颦。人到苍皤方觉老，天无红绿不成春。近来未有池塘梦，谁道先生意尚新。——刘克庄《清明》

15.

清明时节雨声哗。潮拥渡头沙。翻被梨花冷看，人生苦恋天涯。燕帘莺户，云窗雾阁，酒醒啼鸦。折得一枝杨柳，归来插向谁家。——张炎《朝中措·清明时节雨声哗》

16.

春来不住听檐声，日色何曾作好晴。纵有花应欺老病，偶无酒亦过清明。疾风恶浪摇孤垒，危枕昏灯寄此生。西上东归皆未可，客怀端复向谁倾。——方回《清明昼夜大风》

17.

清明别后雨晴时，极浦空颦一望眉。湖畔春山烟点点，云中远树墨离离。依微水戍闻钲鼓，掩映沙村见酒旗。风暖草长愁自醉，行吟无处寄相思。——刘长卿《春望寄王涇阳》

18.

芳原绿野恣行事，春入遥山碧四围。兴逐乱红穿柳巷，困临流水坐苔矶。莫辞盏酒十分劝，只恐风花一片飞。况是清明好天气，不妨游衍莫忘归。——程颢《郊行即事》

19.

清明佳节属良辰，行乐东郊宴席宾。风柳不胜春气力，露花无奈晓精神。管丝远近青堤上，楼阁高低绿水滨。多少舸舟何所用，府公便是济川人。——刘涣《兴庆池禊宴》

20.

桃叶青青杏子肥，清明雨后旧花希。草翻蝴蝶日将晚，门掩秋千人未归。春艳浓堪烧美酒，湖光绿好染罗衣。柳条满插金车上，一路香尘去似飞。——郑獬《清明郊外》

21.

曾识清明上巳时，嬾能游冶步芳菲。梨花半落雨初过，杜宇不鸣春自归。双冢年深人祭少，孤山日晚客来稀。江南尚有余寒在，莫倚东风褪絮衣。——仇远《次胡苇杭韵》

22.

缕缕轻烟细细风，秋千池馆万家同。高低草色相参绿，深浅桃花各自红。人意尽随流水去，风光都在笑声中。多情白发并州客，坐对西南雪满峰。——杨基《清明怀故园》

23.

雨晴闲步涧边沙，行入荒林闻乱鸦。寒食清明惊客意，暖风迟日醉梨花。书生投老王官谷，壮士偷生漂母家。不用鞦韆与蹴游，只将诗句答年华。——陈与义《清明》

24.

只道今年寒食晴，那知风雨在清明。异乡逢节自感动，何况此身今老生。为底轻辞坟墓去，不敢回首弟兄情。悠然强作江东望，云涌如山白浪横。——赵蕃《清明怀成父》

25.

清明又向客中过，忆著家山事若何。未及扫松徒怅恨，偶因得句漫吟哦。六旬身切忧怀少，九十春光阴雨多。对景岂宜虚负却，把杯须拚醉颜酡。——杨公远《清明》

26.

迟迟春日弄轻柔，花径暗香流。清明过了，不堪回首，云锁朱楼。午窗睡起莺声巧，何处唤春愁？绿杨影里，海棠亭畔，红杏梢头。——朱淑真《眼儿媚·迟迟春日弄轻柔》

27.

自从闽峤至延平，试问归途第几程。人向烟岚深处出，鸟依云树密边鸣。润沾破屐春泥滑，寒入征衫晓雨晴。多谢山家插杨柳，报依今日是清明。——高翥《清明日延平道上》

28.

烟花零落过清明，异国光阴老客情。云梦夕阳愁里色，洞庭春浪坐来声。天边一与旧山别，江上几看芳草生。独倚阑干意难写，暮笳呜咽调孤城。——崔櫓《春晚岳阳言怀》

29.

苦海周遭断去帆，东风吹泪向天南。龙蛇泽里清明五，燕雀笼中寒食三。扑面风沙惊我在，满襟霜露痛谁堪。何当归骨先人墓，千古不为丘首惭。——文天祥《寒食》

30.

万物鲜华雨乍晴，春寒寂历近清明。残芳荏苒双飞蝶，晓睡朦胧百啭莺。旧侣不归成独酌，故园虽在有谁耕。悠然更起严滩恨，一宿东风蕙草生。——温庭筠《寒食前有怀》

31.

百年只有百清明，狼狈今年又避兵。烟火谁开寒食禁，簪裾那复丽人行。禾麻地废生边气，草木春寒起战声。渺渺飞鸿天断处，古来还是阖闾城。——唐彦谦《毗陵道中》

32.

天机妙处莫形容，难把丹青定太空。万古碧山留色在，千江皓月此心同。乌纱燕子开门雨，白发杨妃掠面风。欲问清明休检历，杜鹃啼血滴岩红。——舒岳祥《寒食书怀》

33.

草香沙暖水云晴，风景令人忆帝京。还似往年春气味，不宜今日病心情。闻莺树下沉吟立，信马江头取次行。忽见紫桐花怅望，下邳明日是清明。——白居易《寒食江畔》

34.

此心如梦复如痴，荏苒春光欲暮时。啼比杜鹃先有血，愁同杨柳更多丝。林花开遍谁为主，社燕重来亦似悲。寒食已过非禁火，闭门犹自绝晨炊。——徐燧《清明日感怀》

35.

江城水国春光饶，清明上巳多招邀。花阴连络春草岸，柳色掩映红栏桥。歌调呕哑杂吴俗，髻鬟疏削传南朝。谁怜北客归未去，楚魄湘魂惟暗消。——穆修《江南寒食》

36.

一郡官闲唯副使，一年冷节是清明。春来春去何时尽，闲恨闲愁处处生。漆燕黄鹂夸舌健，柳花榆荚斗身轻。脱衣换得商山酒，笑把离骚独自倾。——王禹偁《清明日独酌》

37.

忆昔父母康健时，清明携我上丘垅。如今清明我独来，却将小儿拜先冢。凝情东风泪满衣。江山虽是昔人非。儿儿问我悲何事，此意他年汝自知。——胡时中《清明行》

38.

百卉千花了不存，堕溪飞絮看无痕。家人自作清明节，老子来穿绿暗村。日落啼鸦随野祭，雨余荒蔓上颓垣。道边醉饱休相避，作吏堪羞甚乞墦。——陆游《寒食临川道中》

39.

年例清明是暮春，今年春事却平分。故添一闰知天巧，欲探群芳奈雨频。烟树对人愁脉脉，暮山似我老陈陈。感时莫洒花前泪，不道中原涨战尘。——王迈《清明郊行》

40.

槐柳来时绿未匀，开门节物一番新。踏青寒食追游骑，赐火清明忝侍臣。拂面蜘蛛占喜事，入帘蝴蝶报家人。莫嗔年少思归切，白发衰翁尚惜春。——欧阳修《和较艺将毕》

41.

明时帝里遇清明，还逐游人出禁城。九陌芳菲莺自啭，万家车马雨初晴。客中下第逢今日，愁里看花厌此生。春色来年谁是主，不堪憔悴更无成。——顾非熊《长安清明言怀》

42.

节序愁中都忘却，见人插柳是清明。登陴戍出吹弹乐，上冢船归语笑声。解事浊醪相料理，当权团扇正施行。悲欢寒暑君休问，花鸟年年管送迎。——戴表元《壬午清明》

43.

别馆青山郭，游人折柳行。落花经上巳，细雨带清明。鶗鴂流芳暗，鸳鸯曲水平。归心何处醉，宝瑟有余声。——羊士谔《寒食宴城北山池，即故郡守荣阳郑钢目为折柳》

44.

吴山楚驿四年中，一见清明一改容。旅恨共风连夜起，韶光随酒著人浓。延兴门外攀花别，采石江头带雨逢。无限归心何计是，路边戈甲正重重。——郑准《江南清明》

45.

早是伤春梦雨天，可堪芳草更芊芊。内官初赐清明火，上相闲分白打钱。紫陌乱嘶红叱拨，绿杨高映画鞦韆。游人记得承平事，暗喜风光似昔年。——韦庄《长安清明》

46.

乌啼鹊噪昏乔木，清明寒食谁家哭。风吹旷野纸钱飞，古墓垒垒春草绿。棠梨花映白杨树，尽是死生别离处。冥冥重泉哭不闻，萧萧暮雨人归去。——白居易《寒食野望吟》

47.

异乡节物又清明，懒复追游年少行。愁惨松楸十年泪，雨昏花絮数声莺。高红远绿俱无那，客恨春风两不平。强课新诗作寒食，不堪重忆故园饧。——李洪《清明自释》

48.

世味年来薄似纱，谁令骑马客京华。小楼一夜听春雨，深巷明朝卖杏花。矮纸斜行闲作草，晴窗细乳戏分茶。素衣莫起风尘叹，犹及清明可到家。——陆游《临安春雨初霁》

49.

风落梨花雪满庭，今年又是一清明。游丝到地终无意，芳草连天若有情。满院晓烟闻燕语，半窗晴日照蚕生。秋千一架名园里，柳丝今日向东风。——瞿佑《清明即事》

50.

莺花零乱清明日，巾褐萧条老病翁。乌鼎相亲勤煮药，素屏深坐怯当风。爱花未免呼儿摘，畏雨还成对客慵。自叹年来怨青镜，衰颜改尽少年红。——张耒《清明日卧病》

51.

海棠时节又清明，尘敛烟收雨乍晴。几处青帘沽酒市，一竿红日卖花声。彩毬时向梭门过，绣毂遥随辇路行。日暮人人醉归去，熙熙春物见升平。——曹组《寒食辇下》

52.

韶华客里一番老，自叹此生行路多。独上危楼望乡国，阑干倚遍奈愁何。古柳枝头啼暮鸦，清明时候又天涯。故园桃李凭君问，老却春风几度花。——王克功《剑浦思归》

53.

南北山头多墓田，清明祭扫各纷然。纸灰飞作白蝴蝶，泪血染成红杜鹃。日落狐狸眠冢上，夜归儿女笑灯前。人生有酒须当醉，一滴何曾到九泉。——高翥《清明日对酒》

54.

双燕冲帘报禁烟，唤惊昼梦耸诗肩。晚寒政与花为地，晓雨能令水作天。桃李海棠聊病眼，清明寒食又来年。老来不辨凋新句，报答风光且一篇。——杨万里《寒食雨作》

55.

渺渺孤城入暮笳，坐深游思转无涯。风高明月还生晕，夜久青灯自结花。
雁鹜登堂愁吏簿，爨馊遮路拥奚橧。长安儿女应悬念，过尽清明未到家。
——储巵《大城院夜思》

本文链接：<https://duanjuziku.com/duanjuzi/z2ytura6bf.html>